

Christo filio nostro Philippo Hispaniarum Rege Catholico, qui & Sicilia Rex existit, emit, venditio tamen Civitatis, ac Casalis de Surrentino, & Territorii hujusmodi effectum nondum habuit, quia status publici militares, & Ecclesiastici dictae Civitatis, ejusque Territorii, & praecipue Ecclesiastici illi se opposuerunt, cum emptionem hujusmodi Dei servitio, ac conservationi eorum libertatis, & Patriae naturalis, necnon quieti Civium, & Incolarum tam Laicorum, quam Ecclesiasticorum adversari cognoscerent. Nam ex causa emptionis dicti Casalis della Montagna nuncupat. effectum sortita, ac venditionis Civitatis, & Casalis de Surrentino, ejusque Territorii hujusmodi longa lites, ac dissensiones inter praefatum Alcanium Ducem, ac status dictae Civitatis exortae fuerunt; propter quas personae eorundem status, & praesertim Ecclesiasticae dicti Alcanii Ducis odium incurrerunt. Unde si venditio hujusmodi effectum haberet, & laicis dura nec ferenda subiectio, & Ecclesiasticis plurimae gravesque difficultates subeunda forent. Et licet ab eisdem statibus, ut hoc importabile jugum evitarent, diversae viae tentatae, multaque recursus ad memoratum Philippum Regem habiti fuerint, tandem tamen compertum est id fieri nequire nisi mediante praestatione octoginta millium, & amplius scutorum monetae, pro quibus colligendis, status secularis, & militaris eam majorem, quam pro modo facultatum suarum poterunt, pecuniarum quantitatem contribuere parati sunt, idque mediantibus quibusdam annuis impositionibus, super quibus assensum dilecti filii Nobilis viri moderni Proregis dicti Regni Siciliae jam obtinuerunt.

§.2. Cum autem sicut eadem expositio subjungebat laicorum facultates praestandae integrae summae pecuniarum hujusmodi non sufficiant; dicti vero Exponentes provide considerantes de re utili, & necessaria, ac non minus status Ecclesiastici, quam laicorum commodum concernente agi, & laicos, qui in Ecclesiasticorum familiis sunt, iisdem quibus Ecclesiastici exemptionibus, ac immunitatibus frui solere, dictumque statum Ecclesiasticum proinde considerabilius forsitan universi Corporis membrum existere, mediantibus praefatis impositionibus usque ad summam viginti millium scutorum parium, easque pecunias quae pro integra summa hujusmodi praestatione necessariae fuerint, sponte contribuere intendant, si nostra, & hujus Sanctae Sedis sibi super hoc licentia suffragetur, & facultas: ea tamen lege, ut ejusdem summae exactio fiat per Subcollectorem Ecclesiasticum ab omnibus exponentibus praedictis conjunctim deputandum, qui facultatem habeat exigendi ab eisdem annuatim, aut alia forma, quam congruere existimaverint cum Ecclesiasticis ad dictam contributionem obligatis, idque usque ad integram satisfactionem ejusdem summae, quae in redemptionem Civitatis Pacten., ac Casalis

de Surrentino, & Territorii praefatorum, & non in alios usus converti debeat, nec ante solvatur, quam contractus venditionis Civitatis, & Casalis de Surrentino, & Territorii hujusmodi inter memoratum Philippum Regem, & dictum Alcanium Ducem, ut praefatur initus omnino rescissus, & dissolutus fuerit. Nobis propterea iidem Exponentes humiliter supplicari fecerunt, ut sibi in praemissis opportune providere, & ut infra indulgere de benignitate Apostolica dignaremur. Nos igitur ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, hujusmodi supplicationibus inclinati, ac considerantes, quod Episcopus, & Clerus praedicti pro redemptione hujusmodi tantam necessitatem, & utilitatem adspexerint, ut absque ulla exceptione ad relevandas communes utilitates, & necessitates, laicorum facultatibus non suppulentibus, subsidia per Ecclesiasticos existimaverint conferenda, inherendo Constitutioni generalis Concilii Lateranen. sub fel. rec. Alexandro Papa III. Praedecessore nostro celebrati, eisdem Exponentibus, ut ipsi usque ad memoratam summam viginti millium scutorum ad effectum praefatum, servatis tamen modo, & forma, ac conditionibus, & ordinationibus supra expressis, contribuere libere, & licite possint, & valeant, licentiam, & facultatem auctoritate Apostolica tenore praesentium concedimus, & impertimur.

§.3. Non obstantibus Apostolicis, ac in universalibus, provincialibusque, & synodalibus Conciliis editis generalibus vel specialibus Constitutionibus, & Ordinationibus, necnon praefatae Cathedralis Pacten., aliarumque Ecclesiarum, & aliis quibuslibet etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores, praesentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris, die 3. Nov. 1662. Pontificatus nostri Anno VIII.

Decretum confirmat.

Contraria tollit.

Dat. die 1. Nov. 1662. An. VIII.

Con-

CDXII.

Conceditur Procuratoribus, & Commissariis Generalibus Curiae Ordinis Minorum de Observantia, & Reformatorem S. Francisci Cisfontanae familiae Votum perpetuum in propriis Provinciis.

ALEXANDER PAPA VII.

Ad futuram rei memoriam.

Exordium.

Ratio iustitiae exigit, ut illi, qui multos pro Religione labores sustinuerunt, congruis honoribus, & gratiis deo-entur.

§.1. Volentes itaque dilectis filiis Procuratoribus, & Curiae Commissariis Generalibus Fratrum Minorum, tam de Observantia, quam Reformatorem nuncupatorum, Ordinis S. Francisci, qui rerum usu tractandis, & procurandis in Romana Curia gravioribus Ordinibus hujusmodi negotiis acquisito pollere noscuntur, & quorum opera proinde eorum Provinciis plurimum utilitatis allatura esse speramus, gratiam facere specialem, eorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, omnibus, & singulis Procuratoribus, & Commissariis Curiae Generalibus Fratrum Minorum, tam de Observantia, quam Reformatorem familiae Cisfontanae hujusmodi, qui sua respective Officia triennii continui spatio haecenus gesserunt, & posthac quomodocumque pari spatio gesserint, ut depositis eisdem Officiis, suffragium, sive votum perpetuum consultivum, electivum, & decisivum in quibusvis Capitulis, & Congregationibus suae quisque Provinciae dicti Ordinis habere, & ferre, illoque uti, frui, & gaudere libere, & licite possint, & valeant, auctoritate apostolica tenore praesentium concedimus, & indulgemus.

§.2. Mandantes propterea in virtute sanctae obedientiae dilectis filiis Ministris Provincialibus, & aliis Superioribus, & Fratribus dictarum Provinciarum, ceterisque, ad quos spectat, & spectabit quomodolibet in futurum, ut memoratos Procuratores, & Commissarios Curiae Generales praesentis gratiae commodo, & effectum pacifice frui, & gaudere sinant, & faciant, nec illos desuper a quoquam quomodolibet indebite molestari, perturbari, vel inquietari permittant.

§.3. Ac decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore

Confirmatio Decreti.

Sanctio poenalis.

Clausula addita.

quandocumque spectabit, plenissime suffragari; sique in praemissis per quoscumque Judices ordinarios, & delegatos, etiam causarum Palatii Apostolici Auditores, iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit, attentari.

§.4. Non obstantibus Constitutionibus, & Ordinationibus Apostolicis, necnon quatenus opus sit, Ordinis, ac Familiae, & Provinciarum hujusmodi etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores pro plene, & sufficienter expressis, ac de verbo ad verbum insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§.5. Volumus autem, ut earumdem praesentium literarum transumptis, manu alicujus Notarii publici subscriptis, & sigillo personae in dignitate ecclesiastica constitutae munitis eadem prorsus fides in iudicio, & extra adhibeatur, quae praesentibus ipsis adhiberetur, si forent exhibitae, vel ostensa.

Datum Romae apud S. Mariam Majorem sub Annulo Piscatoris die 4. Decemb. 1662. Pontificatus nostri Anno VIII.

Derogat contrariis.

Transumptis credi mandat.

Dat. die 4. Dec. 1662. An. VIII.

CDVIII.

Quod Clerici Religionis Ministrantium Infirmis in quibusvis functionibus, tam publicis, quam privatis, praefertantur laicis, etiam antiquioris professionis.

Hec consuetudo viget in omnibus Religionibus bene ordinatis, vide ad Constit. 265. Tom. 4. par. 1. fol. 124. Urbani VIII. Cum sicut.

ALEXANDER PAPA VII.

Ad futuram rei memoriam.

Alia emanavit a Congregatione Venerabilium Fratrum nostrorum Sanctae Romanae Ecclesiae Cardinalium Sacris Ritibus Praepositorum Decretum tenoris, qui sequitur, videlicet. Religionis Ministrantium Infirmis. Expositum est Sacrae Rit. Congregationi Laicos Religionis Ministrantium Infirmis praesumere sibi praedentiam deberi a Clericis ejusdem Religionis professione posterioribus, in omnibus, & quibuscumque actibus, tam publicis, quam privatis. Propterea supplicatum fuit declarari, quanam regula inter ipsos super jure praecedendi servanda sit.

§.1. Et Sacra eadem Congregatio tol-

S. Congr. decretum recensetur.

Jendis disensionibus praesertim inter ecclesiasticas personas addita, ac ne ob praefatas contentiones, & lites mutuae inter eos charitatis ardor frigeat: sed omnes in ejusdem charitatis vinculo, & in humilitatis spiritu juxta suam vocationem Deo famulentur, declaravit, Clericos predictos in quibusvis actibus, & functionibus, tam publicis, quam privatis, Laicis praefatis etiam antiquioris Professionis praefereandos esse. Die 19. Augusti 1662.

Joan. Episcopus Sabinensis Cardinalis Sachettus.

Confirmat, ut in rub.

§.2. Cum autem, sicut dilectus filius Procurator Generalis Congregationis Clericorum Regularium Ministrantium Infirmis, Nobis nuper exponi fecit, ipse Decretum hujusmodi pro firmiori illius subsistentia, & observatione apostolica confirmationis nostrae patrocinio communitari desideret: Nos ipsum Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus extiterit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, decretum praesertum auctoritate apostolica, tenore praesentium confirmamus, & approbamus, illique inviolabilis apostolicae firmitatis robur adiciamus, salva tamen semper in praemissis auctoritate Congregationis Cardinalium.

Decretum irritans.

§.3. Decernentes easdem praesentes litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit, plenissime suffragari, & ab illis respective inviolabiliter observari; Sicque in praemissis per quoscumque Judices ordinarios, & delegatos, etiam causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Derogatio contrarium.

§.4. Non obstantibus Constitutionibus, & Ordinationibus Apostolicis, necnon quatenus opus sit, dictae Congregationis Clericorum Regularium, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permansuris, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 6. Decemb. 1662. Pontificatus nostri Anno VIII.

Dat. die 6. Dec. 1662. An. VIII.

CD XIV.

Incorporatio Provinciae, & quatuor Monasteriorum Congregationis Canoniorum S. Georgii in Alga Venetiarum in Regno Siciliae existens. praed. Congregationis & C.

Ex Regest. in Secret. Breu.

ALEXANDER PAPA VII.

Ad futuram rei memoriam.

Militantis Ecclesiae regimini, Divina dispositione praesidentes, ad ea sollicitis studiis intendimus, per quae felici, prosperoque Congregationum quatuorlibet ad Omnipotentis Dei gloriam, ipsiusque Ecclesiae decus, & ornamentum pie, prudenterque institutarum gubernio opportuna ratione consulitur.

Procurium.

§.1. Cum itaque, sicut accepimus, in Regno Siciliae existant quatuor Monasteria, seu Collegia Congregationis Canoniorum S. Georgii in Alga Venetiarum, videlicet S. Jacobi Panormi, & S. Rosaliae Agrigenti, ac S. Mariae de Ravanna, & S. Calogeri de Naro Agrigenti. Ducecis unam Provinciam constituentia cum Provinciali qui a Capitulo Provinciali eorumdem Canoniorum eligitur, nec tamen a Generali Congregationis confirmatur, aut visitatur, nec ad generale Capitulum accedit: Nos animadvertentes valde expedire, ut membra caput sequantur, & in unum Corpus coalescant, ad regularem disciplinam instaurandam, motu proprio, & ex certa scientia, & matura deliberatione nostris, deque Apostolice potestatis plenitudine praedictam Provinciam, & singula illius memorata Monasteria, seu Collegia tenore praesentium unimus, annectimus, & incorporamus praedictae Congregationi S. Georgii in Alga Venetiarum, ita ut cum reliquis dictae ejusdem Congregationis Monasteriis unum corpus, & unam eandemque Congregationem constituent, & illorum Canonici, sicut antea Provinciale Capitulum celebrent de triennio in triennium, sibi que Provinciale eligant, qui a Generali Congregationis confirmationem accipere, & ad Generale Capitulum accedere teneatur, ut tam ipse Provincialis, quam Monasteria praedicta, & illorum Canonici, & personae sub sint obedientiae, visitationi, correctioni, & omnimoda jurisdictioni Generalis ipsius Congregationis.

Confirmat ut in rub.

Clausula.

§.2. Decernentes easdem praesentes litteras, etiam ex eo, quod quilibet in praemissis interesse habentes, seu habere quomodolibet praetendentes illis non consenserint, nec desuper vocati, citati, & auditi fuerint, aut ex alia quacumque causa, colore, praetextu, & capite etiam in corpore Juris clauso, nullo unquam tempore de sub-

ic.

reptionis, vel obreptionis, aut nullitatis vitio, seu intentionis nostrae, aut interesse habentium consensus, aliove quolibet defectu notari, impugnari, infringi, retractari, aut ad terminos juris reduci, seu adversus illas a peritiois oris, restitutionis in integrum, aliudve quodcumque juris, facti, vel gratiae remedium impetrari, aut impetrato, vel etiam motu, scientia, & potestatis plenitudine paribus concessio quempiam in judicio, vel extra illud uti, seu se juvare possit, sed ipsas praesentes litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, plenissime suffragari, & ab illis respective inviolabiliter observari; sicque in praemissis per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos, subflata eis, & eorum cuilibet quavis aliter iudicandi, & interpretandi facultate, & auctoritate, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrarius derogat.

§.3. Non obstantibus praemissis, ac quatenus sit opus, de jure quaesito non tollendo, aliisque nostris, & Cancellariae Apostolicae regulis, & aliis Constitutionibus, & Ordinationibus Apostolicis, necnon Provinciae & Monasteriorum, seu Collegiorum hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis eidem Provinciae, & Monasteriis, seu Collegiis, illorumque Superioribus, & personis quibuslibet sub quibuscumque verborum tenoribus, & formis, ac cum quibusvis etiam derogatoriis, & derogatoriis, aliisque efficacioribus, efficacissimis, & infolitis clausulis, irritantibusque, & aliis decretis in genere, vel in specie, etiam motu pari, ac etiam consistorialiter, aut alias quomodolibet, etiam iteratis vicibus, in contrarium praemissorum concessis, approbatis, & innovatis. Quibus omnibus, & singulis etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur, praesentibus pro plene, & sufficienter expressis, & insertis habentes, illis alias in suo robore permansuris, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Dat. die 6. Dec. 1662. An. VIII.

Datum Romae apud Sanctam Mariam Majorem sub Annulo Piscatoris, die sex-

ta Decembris 1662. Pontificatus nostri Anno VIII.

CD XV.

Confirmatio Ereptionis Custodiae Lotharingae Fratrum Minorum Ordinis S. Francisci Recollectorum, ac declaratione, quod illi competant omnia privilegia, & praerogativa verae Custodiae, necnon si qua alia a Sede Apostolice indulta fuerint.

Ex Regest. in Secret. Breu.

ALEXANDER PAPA VII.

Ad futuram rei memoriam.

Inter gravissimas, multiplicesque curas, quibus ex imposita Nobis divinitus servitutis munere assidue urgemur, in eam peculiari studio incumbimus, ut felici, prosperoque Religiosorum virorum leve Christi jugum sub arctioris vitae instituto laudabiliter portantium statui quantum Nobis ex alto conceditur, salubriter consulamus.

Exordium.

§.1. Exponi siquidem Nobis nuper fecit dilectus filius Bartholomaeus Deumont Custos Custodiae Lotharingae Fratrum Minorum Ordinis Sancti Francisci de Observantia Recollectorum nuncupatorum, quod alias videlicet anno 1630. dicta Custodia juxta quasdam fe: re: Gregorii Papae XIII. & Clementis Papae VIII. Praedecessorum nostrorum Constitutiones pro reformatione editas, ad instantiam dilectorum filiorum nobilium virorum Lotharingae, ac supplicantibus Fratribus Provinciae Franciae Parisiensis dicti Ordinis, qui juxta puritatem Regulae ejusdem Sancti Francisci ab eis professae vivere desiderabant in Custodiam reformatam Ordinis hujusmodi, assignatis ad hoc tribus Conventibus, erecta fuit, & ad hujus rei confirmationem, subinde a rec. mem. Urbano Papa VIII. Praedecessore pariter nostro littera in simili forma Brevis obtenta fuerunt.

Supplicatio.

§.2. Cum autem, sicut eadem expositio subjungebat, dilecti filii Fratres Cordigeri, & non Reformati dictae Provinciae reformationi hujusmodi contrarii praetendant praefatas Urbani Praedecessoris litteras non esse sufficientes, & capta occasione belli, & absentiae memoratorum Ducum ab illo tempore Fratres Recollectos dictae Custodiae molestare nunquam cessaverint; tandem vero pro pace habenda in Capitulo Generali Ordinis praefati anno 1658. Toletti celebrat. determinatum fuerit, ut Custos ad Nos pro obtinendis novis super confirmatione erectionis Custodiae hujusmodi Litteris Apostolicis recurreret; Nobis propterea dictus Bartholomaeus humiliter supplicari fecit, ut in praemissis opportune providere, & ut infra indulgere de benignitate apostolica dignaremur.

§.3. Nos igitur ipsum Bartholomaeum specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque

cc-

ALEXANDER PAPA VII.

Ad futuram rei memoriam.

Alias pro parte dilecti filii Procuratoris Generalis Congreg. Fratrum Discalceatorum nuncupat. Ordinis B. Mariæ de Mercede Redemptionis Captivorum, Venerabilibus Fratribus nostris S.R.E. Cardinalibus negotiis, & consultationibus Episcoporum, & Regularium præpositorum, qui rem mature considerarunt, consilio, attentis narratis, erectionem Custodiæ hujusmodi auctoritate apostolica tenore præsentium approbamus, & confirmamus, illique inviolabilis apostolicæ firmitatis robur adiciamus, ac omnes, & singulos juris, & facti defectus, si qui defuper quomodolibet intervenerint, supplementus, ipsique Custodiæ omnia privilegia, & prærogativas veræ Custodiæ, necnon si quæ alia eidem a Sancta Sede Apostolica indulta fuerunt, competere declaramus.

Confirmat Decretum.

Clausula apponit.

Contraria tollit.

Dat. die 11. Dec. 1662. An.VIII.

CDXVI.

Confirmat Constitutionem Capituli Generalis Fratrum Congregationis Discalceatorum Ordinis B. Mariæ de Mercede Redemptionis Captivorum, circa renunciationem Officiorum Commendatorum, & Rectorum Collegiorum ipsius Congregationis.

Expositio.

Sac. Congr. Decretum.

aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati. Decretum præsentium auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adiciamus (salva tamen semper in præmissis auctoritate ejusdem Congregationis Cardinalium.

Decretum præsentium confirmat.

Clausula.

Contraria tollit.

Dat. die 18. Dec. 1662. An.VIII.

CDXVII.

Confirmatio Statutorum, ac Decretorum Capituli Generalis Hofcensis Ordinis Beate Mariæ de Mercede Redemptionis Captivorum.

Vide aliam Confirmationem Statutorum ad Constit. 427. Urbani VIII. Tom. 6. Par. 1. Injuncti Nobis, pro Fratribus Discalceatis hujus Ordinis.

ALEXANDER PAPA VII.

Ad perpetuam rei memoriam.

Exordium.

AD Pastoralis dignitatis fastigium, nullo licet meritorum nostrorum suffragio, per ineffabilem divinæ bonitatis abundantiam, Rom. Tom. VI. Par. V.

dantiam evecti, illa, quæ pro felici, prosperoque Religiosorum virorum, qui e fluctibus seculi in regularis vite portum confugerunt, assumptoque suavi Christi jugo, Altissimi obsequiis sese devoverunt, ac uberes bonorum operum fructus per Dei gratiam proferre jugiter satagunt, regimine, & gubernio prudenter, & salubriter constituta esse noscuntur, libenter, cum id a Nobis petitur, Apostolici muniminis presidio roboramus.

Sequuntur decreta.

§.1. Exponi siquidem Nobis nuper fecit dilectus filius Franciscus de la Rosa Vicarius Generalis Italiæ, & Siciliæ, ac Procurator Generalis totius Ordinis Fratrum B. Mariæ de Mercede Redemptionis Captivorum, quod in ultimo Capitulo Generali dicti Ordinis in Conventu Hofcensi die 15. Octobris 1658. celebrato pro felici ejusdem Ordinis directione edita fuerunt nonnullæ Constitutiones, quæ a Congregatione Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium præposita in nonnullis emendatæ sunt, tenoris, qui sequitur, videlicet.

Primo. Ad plenioris observationem Motus proprii Sanctissimi felic. memor. Urbani VIII. de expulsionem Regularium delinquentium, juxta id, quod similiter decretum est in Capitulo Generali Barbastrensi, & Murcienfi proxime celebratis, prædictum Generale Definitorum decrevit designare, ac designavit in singulis Provinciis totius prædicti Ordinis sex Consultores, quatuor scilicet Provinciæ Definitores, & duos Definitores Generales: de quorum sex consilio Reverendissimus Magister Generalis possit in criminosos, & incorrigibiles expulsionis ferre sententiam.

Similiter autem decrevit, quod ex cujuslibet prædictorum sex Consultorum defectu illius loco duo Electores Generales pro tali Provincia succedant, habita attentione, quod dignior prius designatus minus digno intelligatur.

Secundo. Item decrevit prædictum Generale Definitorium, quod in omnibus Provinciis Patres Definitores earum, necnon Definitores, & Electores Generales, dum prædictis Officiis funguntur, omnibus exemptionibus, gratiis, & privilegiis Magistrorum de numero gaudeant.

Tertio. Item habita consideratione laborum, quos Patres Vocales ad Capitulum Generale Barbastrense, & Murciense proxime celebratum concurrentes, hyemalibus molestiis glacierum, nivium, fluminumque inundantium in itineribus sunt passi, quin & Vocales ad Capitulum Generale Barchinonense præteritum convocatos canicularibus ferventis solis caloribus summpere vexatos fuisse, idemque semper imminere periculum, & alia maxima incommoda, ut si contingat in majori hebdomada celebrari, provide, prudenterque timeri, si Capitula Generalia futura (juxta Decretum Capituli Generalis Toletani Sanctissimo Domino Nostro Urbano VIII. L. I. con-

confirmatum) Magistratu Ordinis quovis modo vacante, quatuor solum mensibus expletis, quocumque anni tempore accidat, celebrentur; prædictum Generale Definitorium tot calamitatibus occurrere fatagens, earumque pressuram evadere cupiens feria, & matura attentione decrevit, ut in posterum Capit. Gen. Magistratu Ordinis quovis modo vacante, si per quatuor menses ante festum Pentecostes id e venerit, in Vigilia dicti Festi celebretur; Si autem successerit mors Magistri Generalis, vel alia, ut præfertur, vacatio intra tempus quatuor mensium ante dictum Festum, tunc ad Sabbatum Dominicæ tertiæ Octobris ejusdem anni celebratio Capituli Generalis differatur; & similiter si Magistratus vacatio prædicta per quatuor menses ante dictum Sabbatum Dominicæ tertiæ Octobris acciderit, in tali Sabbato dicta Dominica celebretur; Si autem intra tempus quatuor mensium ante dictam Dominicam tertiam Octobris contigerit, tunc ad Sabbatum, seu Vigiliam Pentecostes anni immediate futuri transferatur; insuperque decrevit prædictum Generale Definitorium propriis inherendo Constitutionibus celebrationem Capitulorum Generalium semper in Sabbato, & non alia die fieri debere; unde in hunc finem, & pro majori declaratione præfati Decreti statuit, quod si quatuor menses a vacatione Generalatus expleantur ante Sabbatum Pentecostes, celebratio Capituli fiat in Sabbato Pentecostes, & similiter si expleantur ante Dominicam tertiam Octobris, celebratio Capituli fiat in Sabbato ante Dominicam prædictam 3. Octobris; si vero quatuor menses a vacatione Generalatus expleantur post Festum Pentecostes, intra Octavam tamen dicti Festi, celebratio Capituli Generalis fiat in Sabbato ante Dominicam Sanctissimæ Trinitatis; & similiter si prædicti quatuor menses dictæ vacationis expleantur post dictam Dominicam tertiam intra Octavam tamen illius, celebratio Capituli Generalis fiat in Sabbato primo post dictam tertiam Dominicam Octobris, & non ultra, ne ob tam paucos dies electio Magistri Generalis in tam longum tempus differatur: interim autem donec Capitulum Generale, novaque electio fiat, Prior Monasterii Barchinonensis semper sit Caput, & Vicarius Generalis totius Religionis, Prædictumque Generale Definitorium suppliciter, & humiliter exorat Sanctissimum Dominum Nostrium Papam, ut hujusmodi Decretum pro sua benignitate confirmare, & præfatum dicti Capituli Generalis Toletani ad ipsius infantiam confirmatum a Sanctissimo Urbano Octavo, prout huic contrariatur, derogare dignetur.

Capitulum Gen. quando celebrandum.

Provincialia Cap. quando celebranda.

4. Item prædictum Generale Definitorium decrevit, ut deinceps in perpetuum celebrentur Capitula Provincialia verno tempore circumcirca Dominicam Cantate, Sabbato ante ipsam: & quod si in dicto tempore Magistratus Ordinis vacaverit, Capituli, vel Capitulorum Provin-

cialium celebratio usque ad aliam Dominicam Cantate, immediate futuram pro-rogetur; ut sic fiat conformius Constitutionibus Religionis, juxta caput quartum secundæ distinctionis; ubi sic: Religio (vacante scilicet quovis modo Magistratu Ordinis) in eodem prorsus statu perseveret, sicut fuerat ante vacationem Magistratus: & in cap. 6. ejusdem distinctionis de Capitulo Provinciali sic: Celebraretur tamen prædictum Capitulum in Dominicam Cantate, in qua futuris temporibus in toto Ordine celebranda sunt inviolabiliter Capitula Provincialia.

5. Item prædictum Generale Definitorium utilitati Provinciarum Novæ Hispaniæ, & del Perù in Regnis Indiarum Occidentalium, earumque levamini consulens, ne superfluis sumptibus, & contributionibus nimis graventur, decrevit, ut de cætero contributiones pro Vestuariis Magistri Generalis in illis Provinciis fieri solite, minime fiant, sed pro Vestuariis Magistri Generalis, & sumptibus Procuratoris Generalis Curie Rom., & negotiis, seu litibus in ea concurrentibus, designavit prædictum Generale Definitorium medieta-tem contributionum, quæ in illis Provinciis pro Vestuariis suorum Vicariorum Generalium fiant, juxta ea, quæ feri consueverunt, itaut tales contributiones in duas æquales partes dividantur, quarum una Magistro Generali in Hispaniam mittatur, altera vero ipsis Vicariis Generalibus pro sui officii sumptibus designetur.

Contributiones in 2. partes dividenda.

6. Item cum dubitatum fuisset in prædicto Definitorio ad quem facultas exponendi ad Religionis gradus attineat? Post disertam jurium inquisitionem declaratum fuit; pertinere ad quolibet Definitorium cujuslibet Provincia, non solum approbationem lecturæ, vel prædicationis ad prædictos gradus, sed facultatem exponendi ad illos. Qui tamen expositio ad futuram vacantem ex Decreto Sanctissimi Pauli Quinti est prohibita, similiter declaravit prædictum Generale Definitorium (ne gradus suspensi per longum tempus maneant, ex quo plura prævidentur bono regimini imminencia damna, & ne Religiosi, alias idonei, & approbati illis orbentur usque ad Capitulum futurum) posse Definitorium Provinciale prædictam facultatem exponendi, quæ jure nostrarum Constitutionum Definitorio Provinciali private competit, concedere Reverendiss. Patri Magistro Generali, ut quoties graduum vacatio contigerit, possit exponere ad talem determinatam vacantem quemlibet ex approbatis a Definitorio Provinciali.

In vacantiis graduum Definitoria pro- videat.

Insuper decrevit prædictum Generale Definitorium, ita, & juxta hoc Decretum disponendum fore caput vigesimum quintum nostrarum Constitutionum de Magistris, & præsentatis,

7. Item confirmavit prædictum generale definitorium, quod jam decretum est in Capitulis generalibus Hobrensi, Bar-

bastrensi, & Murciensi proxime celebratis circa facultatem, & potestatem Reverendi P. Prioris Barchinonensis Magistratu vacante, tanquam Supremi Religionis Capituli: & Vicarii Generalis totius Ordinis de, & super confirmatione graduum vacantium tempore sui regiminis: & prædictum Definitorium Generale, nemine discrepante, declaravit R. P. Priorem Barchinonensem ratione sui Officii prædicti habere sufficientem facultatem, & auctoritatem ad confirmationem graduum conferendam jure nostrarum Constitutionum, dist. 1. cap. 4. his verbis: Viceque, & potestatem Magistri Generalis in omnibus, præstat in his Constitutionibus sancitur, habeat.

8. Item desiderans prædictum generale Definitorium inter Patres Principatus Cataluniæ, & Aragoniæ jurgia sedare, & pacem stabilire, decrevit, ut de cætero in Capitulis Provincialibus Provincie Aragoniæ eligatur ad minus unus ex Patribus Principatus Cataloniæ in Definitorem Provinciale.

9. Item decrevit prædictum generale Definitorium ad perpetuam rei memoriam, quod tam Reverendissimus Magister Generalis, quam Provinciales, Commendatores, & Vicarii Generales in fine quarumcumque Literarum Patentium, & aliarum Testimonialium Scripturarum, Professionum, & c. hoc utantur stylo, ut post numeratum Domini annum, similiter scribere debeant annum fundationis Ordinis, his verbis: a fundatione nostri Ordinis Anno N.

10. Item prædictum Generale Definitorium decrevit, quod in die Sabbati cujuscumque hebdomadæ post primam, secundum antiquam Religionis consuetudinem inviolabiliter celebretur Missa de Beata Virgine in omnibus Conventibus totius Ordinis juxta Ritum Romanum, cui intersint omnes Religiosi cujuscumque gradus, aut qualitates extiterint, Reverendissimo Magistro Generali non excepto. Similiter eadem die post Completorium ad cantandum Antiphonam, Salve, in Cappella majori Ecclesiæ conveniant.

Missa de B.V. quolibet Sabbato celebranda.

11. Item decrevit, quod eadem suffragia, quæ pro quolibet Religioso Professo decedente celebrantur, ac debent celebrari, eadem etiam pro Religioso Novitio defuncto celebrentur: Rursusque Commendator Domus, ubi aliquis Religiosus, tam Professus, quam Novitius obierit, quamprimum poterit, certiores faciat, tam Provinciale, quam Commendatores illius Provincie de Fratris morte, nomine, & officio, ut pro illo supra posita suffragia fiant, tenenturque Commendatores, seu Prælati Conventuum nomen defuncti Fratris scribere in tabella ad hunc effectum in Choro, vel in Sacristia destinata, & solito triennio retinenda, & renovanda, quam debeant Visitatores in suis Visitacionibus sedulo examinare, & an suffragia pro defunctis sint integre perfoluta, Similiterque Bull. Rom. Tom. VI. Par. V.

audita morte Sanctiss. D. N. PP. in singulis Conventibus nostri Ordinis solemnes Exequiæ pro ipso fiant, idemque pro Eminentissimo D. Cardinali nostræ Religionis Protectore, & pro Rege, & Regina Catholicis, totius Religionis Patronis, & Fundatoribus fiat. Qualibet feria secunda (tempore Paschali excepto) post primam cantetur Missa quotidiana Defunctorum, qua finita fiat Processio secundum antiquam consuetudinem Religionis: quod si dicta feria secunda aliquo festo solemni impedita fuerit, in tertiam, vel in quartam feriam transferatur, ut in Cæremoniali nostri Ordinis notatur.

12. Item cum ex nostris Constitutionibus quotidie bis mentaliter orare teneamur, decrevit præd. Generale Definitorium tempus primæ orationi toto anni tempore dimidiam saltem horam immediate ante primam destinare, taliter quod primo mane omnes Fratres in Choro conveniant, ubi genibus flexis, invocato Spiritu Sancto Antiphona, Veni Sancte Spiritus, reple tuorum corda fidelium, & tui amoris in eis ignem accende. Sub tuum præsidium confugimus Sancta Dei Genitrix, nostras deprecationes ne despicias in necessitatibus nostris, sed a periculis cunctis libera nos semper Virgo gloriosa, & benedicta. y. Emitte Spiritum tuum, & c. Ora pro nobis Sancta Dei Genitrix, & c. Salvos fac servos tuos, & c. Domine exaudi, & c. Dominus vobiscum, & c. Oremus. Deus qui corda fidelium, & c. Deus virtutum, cujus est totum, quod est optimum, inferre pectoribus nostris amorem tui Nominis, & præsta in nobis Religionis augmentum, ut quæ sunt bona nutrias, ac pietatis studio, quæ sunt nutrita custodias. Defende quæsumus Domine B. Maria semper Virgine intercedente istam ab omni adversitate familiam, & toto corde tibi prostratam ab hostium propitius tuere clementer insidiis. Per Christum Dominum nostrum. Amen. Secundo etiam conveniant post Completorium, factoque saltem post dimidiam Orationis horam signo a Prælato, Hebdomadarius incipiat Antiphonam: Conceptio tua Dei Genitrix Virgo gaudium annuntiavit universo mundo, ex te enim ortus est Sol Justitiæ Christus Deus Noster, qui solvens maledictionem dedit benedictionem, & confundens mortem donavit nobis vitam sempiternam: prout in Rituali Ordinis notatur: cum hoc ita decretum sit in aliis Capitulis Generalibus, nempe Bilbilitano, Hobtensi, & Burtinensi, juxta ipsum ordinanda est Constitutio ubi designat tempus Orationis immediate post Nonam, vel Matutinas.

Oratio post Primam, & Completorii faciendæ.

13. Item præter disciplinas a Constitutione assignatas, & eas, quæ sunt quarta, & sexta feria per totum quadragesimale tempus decrevit prædictum Generale Definitorium, quod omnibus feriis sextis per totum Adventum servari a Religione stabiliti Vespere omnes Fratres conveniant in Choro, vel Ecclesia, & ibi

Disciplina faciendæ.

communem faciant disciplinam, similiterque alias communes disciplinas, quibus in pluribus Conventibus nostri Ordinis magno proventu, ac edificatione Religiosi se exercent, prædictum Generale Definitorium laudavit, & approbavit.

14. Item statuit, quod præter jejunia in nostris Constitutionibus statuta, teneantur jejunare omnes Fratres (ut est laudabilis, & antiqua consuetudo Religionis) in omnibus Vigiliis Festivitatibus Beate Mariæ Virginis, Domine, ac Patronæ nostræ, & in Vigilia S. nostri Petri Nolasci.

15. Item decrevit, quod Commendatores, seu Prælati Conventuum, nunquam a Refectorio absint, nullumque Religiosum, tam ex Magistris, quam ex Prælatibus abesse permittant; quod si Commendator, seu Prælati Conventus crebro, & sæpius a Refectorio abfuerit, Officio, & commenda privetur.

16. Item decrevit, quod PP. Commendatores provideant Religiosis omnia necessaria ad vestitum, & ille, qui habitum integrum in triennio, & calceamenta toties, quoties opus, & requisitus fuerit, suis subditis non dederit, puniatur in Capitulo Provinciali ad arbitrium Definitorii, & sit inhabilis ad ceteras Prælaturas.

Præterea pro notitia cap. 16. primæ distinctionis nostrarum Constitutionum, & sequentium, ubi de levi culpa, de gravi, graviori, & gravissima culpa agitur, declaravit prædictum Generale Definitorium, notari debere materiam ejusdem delicti puniendam poenis gravis, vel levis culpæ, quod debet intelligi [ne videatur inconsequentia, vel opposito Constitutionum] juxta gravitatem, vel levitatem materiæ, quæ in moralibus aggravant, vel diminuant culpam. Et insuper decrevit debere prædictis Capitibus addi poenas, quæ per varia capita nostrarum Constitutionum sunt dispersæ, unicuique propria adaptando, & insimul colligendo cum relatione ad proprias, & congruas Constitutiones, ut facilius in promptu habeantur, ut statutum fuit in Capitulo generali Murciensi.

17. Item decrevit, quod Religiosus, qui ea delicta commiserit, quibus poena in Constitutionibus declarata debetur, si trimerium, de sententia juridica Generalis Magistris, aut Provincialis cum duobus Definitoriis, vel Prælatibus, ad triremes mittatur, tempore pro qualitate criminis debito, non per expulsionem a Religione, sed per expoliationem Habitibus: transacto vero tempore poenitentia redire tenetur ad Religionem, & se suis Prælatibus præsentare, ut de ejus Conventualitate provideant, & tunc inter reliquos Fratres Habitum eodem indutus commoretur.

18. Præterea decrevit, quod nemo Religiosorum possit habere redditus annuales, seu census, nisi de licentia Sedis Apostolicæ, juxta Constitutionem Sanctissimi Domini Urbani VIII.: quod si secus fiat, qui habuerit, ipsi statim privetur, & appli-

centur Conventibus, seu Monasteriis, quibus ex vi Constitutionis pertinent.

19. Item, quia capite vigesimo tertio primæ distinctionis de recipiendis ad Ordinem habetur, quod nullus recipiatur in Ordine, nisi de consensu majoris, vel sanioris partis Conventus, decrevit prædictum Generale Definitorium, quod illa clausula, vel sanioris partis, deleatur, semper enim debet recipi, qui recipiendus fuerit de consensu majoris partis.

20. Item decrevit, quod nullus Religiosus alienæ Professionis, cujuscumque qualitatis, aut conditionis extiterit (exceptis Nobilibus Militaribus) possit ad nostram Religionem admitti, super quo taxatur Magistro generali potestas: similiter Magistro generali, & Procuratori generali in Romana Curia taxatur potestas suum præbendi consensum super transitu Religiosorum ex Discalceata ad nostram, primitivam, seu de Observantia Familiam. Insuper nullus ad habitum nostræ Religionis admittatur, nisi prius de genere, moribus, & vita accurata, & fide digna informatione, & aliis, quæ expresse habentur in nostris Constit. præd. cap. 23. Commendatori, & Communitati plenè illius Conventus, ubi recipiendus est, clare constet.

21. Præterea observari præcipimus Decretum ex Motu proprio Sanctissimi Domini Sixti V., quo decrevit, quod nullus ex sacrilego, aut incestuoso concubitu usque ad tertium consanguinitatis, vel affinitatis gradum natus ad Habitum admittatur, neque ad Professionem in aliqua Religione: quod si secus fiat, Professionem decernit esse nullam, eosque facit inhabiles ad profectendum, & ad ascendendum ad quoscumque gradus, aut dignitates, reliquosque illegitimos ex alio thoro natos, spurios, vel naturales, etiam alias legitimatos ad Religionem admitti non posse, aut debere, nisi prius illorum vita, & moribus diligenter cognitis, & circumstantiis univèrsis fide dignis testimoniis: ita ut eorum receptio videatur profutura universæ Religionis commodo, & utilitati ejus, super quo in generali, vel Provinciali Capitulo, matura deliberatione habita unanimitè consensu Definitorium, & Provincialis, vel Generalis ad habitum Regularem approbentur. Et nihilominus hi sic recepti ad gradus, honores, & dignitates Ordinis perpetuo sint inhabiles, nisi a S. Sede Apost. specialiter dispensentur cum eis.

22. Præterea declaramus Vicarios Conventuum non esse Prælatos cum sufficienti auctoritate, & potestate ad admittendum, vel tradendum habitum Novitiis: poterit tamen, si sit Præsidentis in capite, vacante officio Commendatoris, etiam si per suspensionem ab officio, cæteris, ut supra, concurrentibus.

23. Insuper decrevit prædictum Generale Definitorium, quod in prædicto capite 23. de recipiendis ad Ordinem, ubi dicitur, & tempus probationis assignetur ei [Novitio scilicet] a Prælato, addatur: juxta

Receptio Novitiorum.

Super transitu Religiosorum.

Decretum Sixti V. servetur.

Jejunia.

Vestitium.

Pœna delinquentium.

Ad triremes.

Redditus pro habitibus.

juxta Decretum Sacrosancti Concilii Tridentini sess. 23., & de jure, quod est interger annus, post quem immediate Novitius est admittendus.

Professio Novitiorum.

24. Item decrevit prædictum Generale Definitorium, quod in capite vigesimo quinto prædictæ primæ distinctionis, ubi agitur de Professione, addantur hæc: & similiter irrita, & nulla sit Professio illorum, qui ex sacrilego, aut incestuoso concubitu, usque ad tertium consanguinitatis, vel affinitatis gradum sunt nati, juxta motum proprium fel. rec. Sixti PP. V. quem Generale Capitulum Murciense in Ordine nostro servari decrevit. Et pariter sit irrita, & nulla professio illorum, qui in alia Regulari Religione fuerint professi, juxta Decretum Capituli Generalis Tolentani a SSmo Urbano VIII. confirmatum; si vero tacita veritate, vel expressa falsitate hujusmodi defectus habentes professionem emiserint, quocumque tempore id cognoscatur, ab Ordine nostro penitus tanquam non professi expellantur.

Contra defraudantes bona redemptionis.

25. Item decrevit prædictum Generale Definitorium, quod qui bona Redemptionis in aliquo defraudasse repertus fuerit, non solum voce activa, & passiva in perpetuum privatus existat, sicut inter alias poenas, cap. 28. primæ distinctionis nostrarum Constitutionum statuitur, sed illum sic delinquentem, nec Provincialis, nec Generalis Magister ad totales voces restituere, & ab ea poena liberare possit, nisi solum universum Definitorium Generale unanimitè, & conforme, ac nemine discrepante, & nisi restitutus ablati: & similiter decrevit, quod bona Redemptionis nequeant a Conventibus pretio comparari, nisi infra vigintiquatuor horarum spatium pretium pro emptione in communi depositum prædictæ Redemptionis reponatur; quod si contrarium per aliquos Prælatos fiat, poenis in prædicta Constitutione assignatis subjaceant.

Insuperque declaravit prædictum Generale Definitorium, quod poenæ Constitutionum in bona Religionis defraudantes, non tantum sunt excommunicatio, & privatio vocis activæ, & passivæ, sed etiam privatio officiorum in tota Religione, & ita sunt in posterum intelligendæ, & infligendæ.

26. Item, quia statutum est a Capitulo generali Toletano, & a Sanctissimo Urbano VIII. fel. rec. confirmatum, quod si quando Officium Generalatus vacaverit, & fuerit notificata vacatio Conventui Barchinonensi, non sit Prior electus, tenentur Patres Conventuales dicti Conventus intra spatium vigintiquatuor horarum Priorem de more, juxta Constitutiones eligere; Decrevit præd. Generale Definitorium, quod si secus fecerint, in Gubernium Religionis, & Officium Vicarii Gen. succedat Provincialis, aut Vicarius Prov. in Capite illius Provinciae, ubi erit celebrandum Capitulum Generale immediate futurum. Deficiente vero Provinciali, aut prædicto Vicario Provinciali, succedat Commenda-

tor illius domus, in qua celebrandum est prædictum Capitulum. Quod similiter observandum est, si Prior Barchinonensis, tempore, quo Magistratus vacaverit, fuerit legitime impeditus gubernio Religionis, juxta Decretum Capituli Generalis Bilibilitani, a Capitulis Hoscensi, Barbastrensi, & Murciensi confirmatum.

Alternativa Magistratus Gen.

27. Item cum servari debeat alternativa in Officio Magistris Generalis, taliter, quod una vice sit ex Corona Aragoniæ, & Galliæ, ac Italiæ, altera ex Corona Castellæ, inclusis Provinciis Vandalie, & Indiarum, ex Decreto Sanctissimi Clementis VIII. fel. rec. prædictum Generale Definitorium decrevit, quod si Magister electus objerit ante absolutionem Capituli suæ electionis, non judicetur ejus alternativa expleta, sed secundum eandem debeat de novo fieri electio Magistris Generalis: quæ prædicta alternativa debet intelligi ex filiis cujuslibet Provinciae in ipsa inclusa, qui in ea Professionem emiserunt, non tamen adoptati, hujusmodi enim nullatenus tali alternativa possunt gaudere; consequenterque tempus vacationis, & Officii Vicarii Generalis minime tenetur expectari de novo, casu quo Magistratus, ut dictum est, ante absolutionem Capituli suæ electionis vacaverit.

De vacatione Magistratus.

28. Item, quia in capite secundo secundæ distinctionis nostrarum Constitutionum, ubi agitur de vacatione Magistratus, non exprimitur peculiaris vacatio, quæ potest fieri per renunciationem, declaravit prædictum Generale Definitorium, posse Magistrum Generalem libere renunciare Magistratum, nulla alia causa adhibita, nec desiderata, quæ renunciatio poterit ab ipso, vel per se, vel per Procuratorem, suum legitimum fieri, & erit sufficiens, si coram Provinciali, Definitoriis, & Electoribus Generalibus illius Provinciae, in qua extiterit, fiat: dummodo Secretarius Religionis testimonio fidem faciente eam testificetur, quod testimonium Commendator Domus, vel Secretarius per Nuncium specialem ad Priorem Barchinonensem, vel ad quem Officium Vicarii Generalis spectaverit, mittat, qui statim vacationem Magistratus omnibus Fratribus domus illius, in qua fuerit, in Capitulo congregatis, prædicto testimonio fidem faciente, manifestet, & tunc ab omnibus solemniter obedientiam recipiat coram tali Nuncio de omnibus his testimonia fide digna, recipiente, ut de anno, die, & hora professionis Officii Vicarii Generalis omnibus juridice constet, quamprimumque talis Vicarius Generalis ad omnes Provincias literas suas Patentes, tam obedientiæ, quam convocationis ad Capitulum Generale celebrandum transmittat, & consequenter prædictum Generale Definitorium declaravit, quod in capitibus nostrarum Constitutionum, ubi exprimitur causæ vacationis Magistratus, ut decessus, &c. addatur, & exprimat hęc peculiaris, nempe renunciatio.

Insu-